



N°115
Entrée le 15.12.2023
Chambre des Députés
Déclarée recevable
Président de la Chambre des Députés
(s.) Claude Wiseler
Luxembourg, le 15.12.2023

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 15/12/2023

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Wunnengsbau, Wirtschaft & Mobilitéit an Ëffentlech Aarbechten weiderzeleeden.

De 27te September hat RTL een Artikel publizéiert mam Titel "Eng privat Soirée vum Marc Giorgetti mat DP an CSV". Schnell gounge d'Gerüchter ëm, dass béid Parteien wuel eng Wunnengsbaupolitik géifen maachen, déi virun allem de grouse Promoteuren a Groussgrondbesëtzer géing an d'Hänn spillen. An effektiv weisen déi grouse Linnen am Koalitiounsaccord, dass virun allem Leit mat vill Geld a Besët am meeschten vun der Wunnengsbaupolitik kéinte profitéieren, während ëmmer méi Leit dann loune mussen, wat déi Leit mat vill Geld a Besët alt nees méi räich mécht.

Grouse Bauentreprisen, déi breet genuch opgestallt sinn, hunn also an der aktueller Baukris manner Suergen, well se nieft honnerten Hektar u Baulandreserven (siehe Note 29 Observatoire de l'Habitat) duerch hir Gréisst och an anere Branchen am Bausektor schaffen (Stroossebau, grouse staatlech Gebaier) a beschteens mat den Optraggeber beim Staat vernetzt sinn. Eleng fir de Bau vu Stroossen a Renovéierungsarbechten sinn am Budget 2023 340 Milliounen Euro virgesinn. Op de grouse Schantjeeën vum Staat fënnt een deemno oft déi selwecht bekannten Nimm vu grouse Baufirmen a Promoteuren erëm, déi bei ëffentlechen Ausschreibungen d'Opträg meeschtens kréien.

An deem Zesammenhang wéilt ech de Ministeren dës Fro stellen:

1. Wien waren zënter 2018 déi zéng gréissten Optragnehmer fir de Bau vun Infrastrukturprojeten an Immobiliëprojeten vum Staat, opgeléicht no Firma?
2. Wéi vill Sue kruten dës Firmen an deenen eenzele Jore fir hir Servicer ausbezuelte?

Mat déiwem Respekt,

GOERGEN Marc
Deputéierten



www.piraten.lu



www.piraten.lu